



# COMUNE DE PÀDRIA

## DELIBERATZIONE DE SA GIUNTA COMUNALE N. 37 DE SU 11/07/2022

OGETU: PROGRAMMATZIONE ISPETÀCULOS E MANIFESTATZIONES DE AGREGATZIONE SOTZIALE PRO S'ISTIU 2022. DIRETIVAS.

S'annu duamìgia e bintiduos sa die ùndighi de su mese de Trìulas a sas 16.45, in s'UFÌTZIU DE SU SÌNDIGU, acumpridas in antis totu sas formalidades prevididas dae sa Lege de s'Istadu e dae s'Istatutu, s'est reunida sa Giunta Comunale sutu de sa presidèntzia de su SÌNDIGU DUT. MURA ALESSANDRO.

A s'apellu numenale resurtat:

<b>CÀRRIGA</b>	<b>SAMBENADU E NÙMENE</b>	<b>PRESENTE</b>
SÌNDIGU	DUT. MURA ALESSANDRO	EMMO
VITZE SÌNDIGU	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO
ASSESSORE	PIRAS ANGELO	EMMO

Presentes n° 4 Ausentes n° 0

Partètzipat su SEGRETÀRIU COMUNALE DUT. PULEDDA ANTONINO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e decrarat aberta sa setziada pro trattare s'ogetu giutu torra in subra.

## SA GIUNTA COMUNALE

**PREMÌTIDU** cantu s'ghit s'Amministrazione Comunale, in s'àmbitu de sa programmatzione previdida, cheret promòvere atividades e eventos culturales de calidade pro valorizare su territòriu e pro lu promòvere puru dae su puntu de annotu turìsticu;

**AMMENTADU TORRA** s'art. 3, comma 5, ùrtimu perìodu, de su Dlgs n. 267/2000 e mm.ii.ii. in ue est gasi prevididu: "Sos Comunes e sas Provìnzias acumprint a sas funtziones issoro puru pro mèdiu de atividades chi podent èssere esertzitas a manera adecuada dae s'iniziativa autònoma de sos tzitadinos e de sas formatziones issoro";

**CUNSIDERADA** s'oportunidade de ammaniare pro s'istiu una sèrie de manifestatziones idòneas:

- a favorèssere sa crèschida culturale e sotziale de sa Comunidade;
- a costituire occasione de agregatzione e de abboju;
- afortiare sa capatzidade de atirare turistas in sa bidida;
- a creare ocasiones de balàngiu a sas atividades de sos operadores econòmicos locales;

**ESAMINADU** pro custu su calendàriu de sos cuntzertos promòvidos dae s'Iscola Tzìvica de Mùsica Mejlogu;

**VALUTADA** a manera positiva sa possibilidade de permitere s'acumprida de unu de custos cuntzertos in custu Comune;

**TENTU CUNSIDERU** de su Programma complessivu allegadu de manifestatziones chi s'ant a fàghere in su perìodu de trìulas-cabudanni de custu annu, in sas pratzas diferentes de sa bidida o in sas istruturas comunales diversas, comente ammaniadu dae sos Ufìtzios cumpetentes posca de sas indicatziones de s'Amministrazione Comunale;

**PRETZISADU** chi:

- Sa die de s'Isport at a èssere organizada e finantziada dae s'Unione de sos Comunes de su Biddanoa, a fora de sas ispesas de istrangiadura;
- sa serada musicale organizzata dae s'Iscola Tzìvica de Mùsica Mejlogu faghet parte de sa programmatzione de sos ispetàculos de su matessi organismu;

**AVERIGUADU** chi, in relata a sa parogrammatzione de sa cale in ogetu est ladinu s'interessamentu generale, in base a cantu apostivigadu dae s'art.13 de su Dlgs n. 267/2000 e mm.ii.ii. in tema de funtziones amministrativas de cumpetèntzia de s'Ente Locale;

**OSSERVADU** chi su giai mentovadu programma resurtat cunforme a sos obietivos istratègicos políticos-amministrativos chi custu Ente cheret segudare e paret, pro custa resone, chi meresset de èssere aprovalu, ca idòneu a pessighire sas finalidades mentovadas in antis de promotzione e valorizatzione culturale, turìstica e econòmica de su territòriu, puru in s'istajone attuale in sa cale s'ghit a b'èssere sa Pandemia;

**AMMENTADU** chi, pro efetu de s'art. 57, comma 2, de su D.L. 124/2019, mudadu cun modificatziones dae sa L. 19 de nadale de su 2019, n. 157 (in G.U. 24/12/2019, n. 301), a decùrrere dae s'annu 2020, sessant de s'aplicare sas dispositziones chi s'ghint in matèria de cuntinimentu e minimadura de s'ispea e de sos òbligos formativos: ..... b) artìculu 6, commas 7 (istùdios e incàrrigos de consulèntzias), 8 (ispesas pro relatziones pùblicas, cunvegnos, mustras, publitzidade e de rapresentàntzia), 9 (isponsorizatziones), 12 (missiones) e 13 (formatzione), de su decretu-lege de su 31 de maju de su 2010, n. 78, mudadu, cun modificatziones, dae sa lege 30 de trìulas de su 2010, n. 122;

**RITÈNNIDU** de dèvere aprovare su Programma de manifestatziones pro s'istiu de su 2022 cunforma a tempos, calendàriu, e contenuti de sos cales a su documentu allegadu a sa presente

deliberatzione camente una parte sua integrante e sustanziale;

**BIDOS:**

- su DUP 2022-2024 aprovadu cun deliberatzione de su Consìgiu Comunale n. 2 de su 21/02/2022;
- su Bilàntziu de previsionu finantziàriu 2022-2024 aprovadu cun deliberatzione de su Consìgiu Comunale n. 5 de su 21/02/2022;
- su Pianu de sos Obietivos e de sas Prestatziones 2022-2024 aprovadu cun deliberatzione de sa Giunta Comunale n. 34 de su 04/07/2022;
- su Regulamentu de Contabilidade in vigèntzia;
- su D.lgs n. 267/2000 e mm.ii.ii;

**ACHISIDOS**, subra de sa proposta de deliberatzione, sos parres a favore in òrdine a sa regularidade tècnica e contàbile espressados dae su Responsàbile de s'Àrea econòmicu-finantziària, cunforma a s'art. 49, comma 1, de su decretu legislativu 18 de austu de su 2000, n. 267 e mm.ii.ii.;

**RIFERIDU** chi subra de sa proposta de deliberatzione n. 403 de su 11.07.2022 est istadu fatu cun èsitu a favore, su controllu de regularidade amministrativa a incuru de su Segretàriu comunale acumpangiadu, a s'èsitu de su coordinamentu de su testu cuncordadu cun sos Responsàbiles de sos Servìtzios interessados;

**RECONNOTA** sa cumpetèntzia pròpia cunforma a sas dispositziones normative, istatutàrias e regulamentares in vigèntzia;

**BIDA** s'oportunidade in acordu cun sa proposta tècnica sobrada dae sos ufìtzios, de protzèdere cun urgèntzia a s'aprovatzione de custa deliberatzione pro sas finalidades in ogetu;

**ACRARADU** chi custa setziada s'est acumpriada in modalidade telemàtica a manera parziale, cunforma a su Regulamentu de Funtzionamentu de sa Giunta Comunale aprovadu cun Deliberatzione pròpia n. 19 de su 06.04.2022;

**CUNSIDERADU** chi totu sos partetzipantes a sa setziada:

- ant pòtidu bìdere in antis sa proposta de deliberatzione chi pertocat s'ogetu;
- ant àpidu s'oportunidade de partetzipare a sos traballos de oe de sa Giunta Comunale in presèntzia (Mura, Marica e Dettori) o in modalidade telemàtica (Piras) siat in relata a sa dibata chi in òrdine a sa votatzione, cun su controllu costante de su Segretàriu comunale;

**cun votos a favore totu de acordu, espressados a manera legale, cunforma a cantu indicadu in subra**

**DELIBERAT**

**1. DE FÀGHERE PRÒPIAS** sas premissas narrative e motivatzionale a custu dispositivu leende-las a cunsideru camente recramadas e torradas a giùghere a manera integrale;

**DE APROVARE**, de consighèntzia, su programma de manifestatziones chi s'ant a fàghere in su perìodu triulas-cabudanni de su 2022 in Pàdria in sas pratzas diferentes de sa bidda o in istruturas comunales diversas, cunforma a su calendàriu generale allegadu a custa pro nde fàghere parte integrante e sustanziale;

**DE RECONNÒSCHERE** chi s'ispeza cumplessiva pro s'acumpriada de su programma mentovadu, (includu cantu netzessàriu pro s'istrangiadura de sos artistas), previdida a manera preventiva in sa summa de € 4.000,00, agatat cobertura finantziària in sa missione 12, programma 05, capìtulos PEG 10418.27 de s'esertzìtziu 2022 e in sa missione 06, programma 01, capìtulu PEG 10413.1 de s'esertzìtziu 2022;

**DE INCARRIGARE** a sos Responsàbiles de s'Àrea Tècnica e de s'Àrea Sotziale s'adotzione de onni providimentu gestionale chi consighit e netzessàriu a cantu apostivigadu como, onniunu pro  
GIUNTA Atu N.ru 37 de su 11/07/2022

sos atos de cumpetèntzia pròpia;

**DE RACUMANDARE** a sos responsàbiles indicados in subra chi siant valutadas e in antis e a manera curreta totu sas cosas e sas mesuras de caràtere sanitàriu idòneas a garantire sa seguresa màssima pro totu sos partetzipantes a sas manifestatziones prevìdidas in su programma approvadu in subra (artistas\_tènicos\_ organizadores\_forzas de s'òrdine\_prepostos comunales\_istràngios\_pùblicu);

**DE ISPETZIFICARE** chi si bi nde diat èssere sa netzessidade, subra de proposta de sos Responsàbiles de Àrea o pro iniziativa de su Seg. Sindigu, ant a pòdere èssere adotados sos provvedimenti netzessàrios, puru pro mèdiu de sos poderios lezitimos de ordinàntzia, pro assicurare s'acumprida in seguresa de totu sas manifestatziones de sas cales a su programma allegadu in su respetu de sas mesuras de seguresa in vigèntzia e de sos deretos de tota sa tzitadinàntzia puru cara a sa pandemia chi galu sighit a b'èssere;

**DE DECRARARE** in finis, cun àtera votatzione totu de acordu fata in su matessi tempus (Mura, Marica e Dettori in presèntzia; Piras in modalidade telemàtica), cun deliberatzione luego esecutàbile cunforma a s'art.134, comma 4, de su D.Lgs. 18 de austu de su 2000, n. 267 e mm.ii.ii., bida s'urgèntzia de assicurare su perfetzionamentu sollìtzitu de sas finalidades suas.

#### **PARRE DE REGULARIDADE TÈCNICA**

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **11/07/2022** at espressadu parre a **FAVORE**

---

#### **PARRE DE REGULARIDADE CONTÀBILE**

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **11/07/2022** at espressadu parre a **FAVORE**

---

**SU SÌNDIGU**  
**DUT. MURA ALESSANDRO**

**SU SEGRETÀRIU COMUNALE**  
**DUT. PULEDDA ANTONINO**

---

**NOTA DE PUBLICATZIONE N. 516**

GIUNTA Atu N.ru 37 de su 11/07/2022

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT. PULEDDA ANTONINO** atestat chi in data 11/07/2022 s'est protzèdidu a sa publicatzione in s'Albu Pretòriu.

La Delibere è esecutiva ai sensi delle vigenti disposizione di legge